

chargea de telle violence, qu'en moins de vingtquatre heures il nous eut iettez en la terre appelée des Baccalaos, tenuë partie par les Espagnols, partie par les habitants du país: mais la fortune nous fut si favorable, que nous fusmes poussez en vn petit destroit au recoing d'une Isle sous des grands arbres qui ressembloit quasi des chesnes, mais ils ont la fucille comme des feuilles de choux, & port ent vn certain fruict quasi comme des oranges, qui est fort bon & delicat, avec vn goust fort delieieux & agreable. Estant là branlans à l'anchre quelques vns de nos gës portez par la curiosité de sçauoir qui estoient ceux qui habitoient ceste Isle, s'escarterent à trauers ces arbres, & cheminerent enuiron deux mille pas deuant que rien treuuer: puis ainsi qu'ils passoient outre ils virent de loing à trauers le bois quelques logettes couuertes de feuillages, & autour quelques vns qui sembloient estre en armes, & faire la ronde autour de leurs cabanes. Nos gens s'arrestèrent vn peu pour voir leur maniere de faire, & n'eurent là gueres demeuré qu'ils virent venir deux grands hommes comme demy Geans, armez d'escailles de poissons, & portant chacun vne grosse massuë en la main, ferrees de gros clouds, pesantes d'enuiron chacune quatre vingt liures, & au premier abord commencerent à chamailler sur ces pauvres gens, & en terrassèrent en moins de rien dix ou douze, deuant qu'ils eussent loisir de se mettre en defence:

9.

mais eux frappant ie ne sçay quels bois dont ils faisoient vn tel tintamarre que toute la forest retentissoit, s'assemblent en vn gros iusques au nombre d'enuiron cinq cens hommes de deffence, & avec certaines arbalestes donnerent la chasse à ces monstres, qui neantmoins leur emporterent quelque butin, & s'enfuirent avec cela.

Nos gens voyant le peu d'adresse qu'auoient ces pauvres Barbares aux armes, prindrent plus de hardiesse, et se monstrant à eux tirèrent trois ou quatre coups de mousquetade, qui les estonnerent de telle façon qu'ils ne sçauoient où ils estoient, & s'en alloient tous mettre en fuite, n'eust esté que quelques vns des nostres s'auancerent & leur firent signe qu'ils ne craignissent rien, & qu'on ne leur feroit point de mal.

Sur ceste assurance ils s'assemblerent, & apres auoir long temps consulté ensemble, ils prindrent leur Roy qu'ils monterent sur vn petit chariot à quatre roues, & les quatre plus apparens le trainât ils marcherent contre nos gens, leur faisant signe qu'ils quitassent les armes, & les mettant premierement bas, leur Roy vint embrasser le Sieur de Fougères, qui estoit le plus apparent des nostres, & luy dit par son truchemët que s'il vouloit demeurer en ce país-là il luy donneroit des moyens & des terres, & prenant vn grand collier de pierres precieuses qu'il portoit pëdu à son col il le luy dōna: & fut du depuis ledit collier